

Հ. Մ. ՊՈՂՈՍՅԱՆ, Ձեյթունի պատմությունը 1409—1921 թթ.,
 Նրեան, Հայաստան հրատարակչություն, 1969, 457 էջ, գինը՝ 1 ռ. 57 կոպ.:

Հ. Մ. Պողոսյանը իր առաջ շնորհակալությամբ և դժվար խնդիր է դրել բազմակողմանիորեն ուսումնասիրել Ձեյթունի պատմությունը սկզբից մինչև 1921 թ. իրադարձությունները: Հեղինակը տարիներ շարունակ աշխատել է հանրապետության արխիվներում, Մատենադարանի ֆոնդերում և շրջանառության մեջ է դրել մի շարք նոր փաստաթղթեր ու վավերագրեր:

Առանձնապես պետք է ընդգծել այն, որ աշխատության մեջ հատուկ ուշադրություն է դարձված ղեյթունցիների կենցաղի, նիստ ու կացի, բարքերի ու սովորությունների և ազգագրական այլ մանրամասնությունների վրա, որոնք հստակ պատկերացում են տալիս հայ լեռնականների մասին:

Աշխատության ներածական մասում քննության են առնված պատմագրության հարցերը: Հեղինակը վերլուծման է ենթարկել գրեթե այն բոլոր գրքերն ու հուշագրությունները, որոնք առնչվում են Ձեյթունի պատմության հետ: Սովետահայ պատմաբաններից հեղինակը հիշատակում է ակադեմիկոսներ Մ. Ներսիսյանի, Ա. Հովհաննիսյանի, պրոֆ. Վ. Պարսամյանի և պատմ. գիտ. դոկտոր Հ. Ղազարյանի ուսումնասիրությունները: Այդ աշխատությունները, սակայն, նպատակ չեն ունեցել տալու Ձեյթունի ամբողջական պատմությունը, այլ լուսաբանել են առանձին հարցեր պատմական որոշակի շրջանակներում:

Աշխատության առաջին և երկրորդ գլուխներում քննության է առնված Ձեյթունի սոցիալ-տնտեսական իրավիճակը XIX դարի առաջին կեսին: Մատենադարանի աղբյուրների հիման վրա Հ. Պողոսյանը փորձել է ճշտել Ձեյթուն անվան ծագումը: Ըստ կարելիության բացահայտված է լեռնային Կիլիկիայում ապրող ղեյթունցիների հեռավոր դարերի ընդհանուր պատմությունը: Հեղինակը իրավացի է, երբ նշում է, որ Կիլիկիայի հայկական պետության անկումից հետո այնտեղի բնակչության սոցիալ-քաղաքական շարժումների պատմությունը թաղվել է թանձր մշուշի մեջ. դժվար է տարբերել իսկական պատմությունը առասպելականից և ավանդականից: Սակայն հեղինակը ջանացել է սկզբը-

նաղբյուրների հիման վրա ընդհանուր գաղափար տալ այդ շրջանի իրադարձությունների մասին:

Աշխատության երրորդ գլխում խոսվում է ղեյթունցիների կիսանկախության, անկախությունը պահպանելու համար XIX դարի առաջին կեսին մղված դինված ելույթների և բազմաթիվ հարակից հարցերի մասին:

Հայտնի է, որ XVIII դարի 80-ական թթ. սկսած Մարաշի կուսակալ փաշաները կազմակերպված զորաջոկատներով և բաշխողականների խմբերով բազմաթիվ արշավանքներ են կատարել հայ լեռնականների վրա: Սակայն դժվար չէ նկատել, որ այդ բոլոր դինված ելույթներում, ինչպես նշում է հեղինակը, գրեթե միշտ հաղթող են դուրս եկել ղեյթունցիները, թեև հնարավոր է, որ այդ հաղթական կռիվներից որոշ դեպքեր հուշագրողները չափազանցում են: Սակայն կարևորն այն է, որ այդ արժվարույնը՝ Ձեյթունը, Կիլիկիայում օսմանյան բռնակալության հաստատումից ի վեր, ավելի քան չորս դար շարունակ, պահպանում էր իր կիսանկախությունը, կառավարվում իր ներքին օրենքներով:

Գրքում բացահայտված է օտարերկրյա կաթոլիկ միսիոներների և Կոստանդնուպոլսի հայ կաթոլիկ համայնքի գործունեությունը: Նրանք մեծ ջանքեր էին գործադրում դավանափոխ առնելու ոչ միայն Կիլիկիայում—Ձեյթունում, այլև մյուս նահանգներում ապրող հայությանը: Հասունյանները պատրանք էին ստեղծել, թե ֆրանսիական կառավարությունը, Նապոլեոն III-ի գլխավորությամբ, պաշտպան է կանգնելու Կիլիկիայի հայությանը, եթե նրանք կաթոլիկություն ընդունեն:

Հեղինակը միշտ է նկատում, որ հայ դեմոկրատական հոսանքը, հայ առաջավոր մտավորականությունը վճռական պայքար էր մղում օտարոտի կրոնական աղանդների դեմ, որոնք պառակտում էին հայության հավաքական գոյությունը՝ սպառնալով հայապահպանությունը:

Բնորոշ փաստերով վեր են հանված Ձեյթունի 1862 թ. ապստամբության բուռն արձագանքները հայության երկու հատվածներում,

արտասահմանի հայ գաղթավայրերում և այլուր:

Եթե Զեյթունի պատմությամբ զբաղվող շատ հեղինակներ թիչ ուշադրություն են դարձրել: Տավրոսի հայ բնակչության 1870—1880-ական թթ. ապստամբական ելույթների վրա, ապա զբախոսվող աշխատության հեղինակը մանրամասն լուսարանել է այդ շրջանի պատմությունը: Հեղինակը ճիշտ է նկատում, որ Կիլիկիայի—Զեյթունի գինված ելույթները բռնկվեցին այն ժամանակ, երբ սկսվել էր 1877—1878 թթ. ռուս-թուրքական պատերազմը: Մի շարք փաստեր են բերված, որոնք հաստատում են, որ ռուսական բանակի հրամանատարությունը փորձում էր օգնել գինված ապստամբության դրոշ պարզած հայ բնակչությանը: Սակայն Թուրքիայում տեղի ունեցած նոր իրադարձությունների հետևանքով ռուսական բանակը հնարավորություն չուներ ավելի ընդլայնել իր նյութական օգնությունը ցույց տալ հեռավոր Կիլիկիայի ապստամբներին:

Ուշադրության արժանի է աշխատության նաև նախավերջին գլուխը, որտեղ խոսվում է Զեյթունի հերոսական պատմության ամենափառավոր լեզերից մեկի՝ 1895—1896 թթ. դուցադնամարտի մասին:

1890-ական թթ. օսմանյան կառավարությունը իրականացնում էր սուլթան Համիդ II-ի ծրագիրը՝ ոչնչացնել հայությանը: Յաթաղանին ղոհ գնաց ավելի քան 300 հազար մարդ: Գրքում գլխի տեղ է տրված հայաշատ վայրերի դիմադրական շարժման պատմությունը: Զինյալ պաշտպանության շնորհիվ հայ բնակչության մի ստվար մասը փրկվեց կոտորածներից: Առանձնապես մանրամասն լուսարանված է ղեկավարությունների 1896 թ. 40-օրյա հերոսական դիմադրությունը, որի շնորհիվ Տավրոսի հայ լեռնականները ազատվեցին կոտորածներից:

Եզրափակիչ գլխում սյարզաբանված են 1915—1921 թթ. Կիլիկիայում տեղի ունեցած բարդ իրադարձությունները: Ֆրանսիական բանակի կողմից Կիլիկիայի օկուպացումը 1915—1918 թթ. տարագրված հայության մի զգալի մասին հնարավորություն տվեց վերագաղթել հայրենի բնակավայրերը: Սակայն Ֆրանսիան, քաղաքական նկատառումներով, թողեց Կիլիկիան, և վերահաստատված հայ բնակչությունը մնաց բախտի քմահաճությանը: Կիլիկիահայությունը այս անգամ հարկադրված էր կենաց ու մահու կռիվ մղել թուրքական հորդանների դեմ:

Հեղինակը ուշի-ուշով քննության է առել 1919—1921 թթ. Մարաշի, Հաճընի, Զեյթունի, Ֆոնուղի, Ադանայի և այլ հայաշատ վայրերի ինքնապաշտպանական կռիվները: Կիլիկիահայությունը մեկ անգամ ևս տվեց սխրագործությունների փայլուն օրինակ: Սակայն ուժերն

անհավասար էին, իմպերիալիստական պետությունները կրկին դավաճանեցին հայությանը: Քեմալական բանակը դրավեց Կիլիկիան: Վերահաս կոտորածներից ազատված բնակչությունը ցիրուցան եղավ աշխարհի բոլոր կողմերը:

Ինչպես վերևում նշեցինք, գրախոսվող աշխատության հեղինակը նշանակալից գործ է կատարել և ըստ կարելիության փորձել է ամբողջացնել Զեյթունի հարուստ պատմությունը:

Սակայն գրքում կան որոշ փաստական անճշտություններ, հակասական և սխալ մտքեր, կարևոր հարցերի անբավարար վերլուծություն և այլն:

Գրքում մեծ տեղ է հատկացված Զեյթունցու (Մնացական Սեմերճյան) «Զեյթունի անցյալն և ներկայն» երեք մասից բաղկացած հուշագրությանը: Հեղինակը այդ աշխատությունը սկզբնաղբյուր է համարում: Ինչպես հայտնի է, Մ. Սեմերճյանը Զեյթունի 1862 թ. և նախորդ հերոսամարտերի պատմությունը գրի է առել 1900 թ., իսկ XIX դարի վերջերի ինքնապաշտպանական կռիվների մասին նա գրել է ուրիշների պատմածների հիման վրա: Տավրոսի լեռնականների պատմությունն ուսումնասիրելիս, անշուշտ, պետք է օգտագործել Զեյթունցու այդ կարևոր հուշագրությունները, բայց չպիտի անտեսել նրանցում եղած փաստական սխալները և հակասությունները: Մինչդեռ հեղինակը չի օգտվել Աղասու (Թուր-Սարգսյան) ուշադրության արժանի հուշագրությունից (այն ականավոր գրականագետ Ա. Չոպանյանը թարգմանել է ֆրանսերեն, որը լույս է տեսել 1897 թ., Փարիզում, իսկ հայերեն բնագիրը՝ «Զեյթունը և նրա շրջականները», հրատարակվել է Բեյրութում, 1968 թ.):

Հեղինակը գտնում է, որ Զեյթունի գավառում պահպանվել էին «...այն հասարակական սոցիալական կարգերը, որոնք գոյություն ունեին Կիլիկիայի թագավորության ժամանակ: Ավելի հեռուն գնալով պնդում է, թե «...հայկական ֆեոդալական սիստեմը... նոր պայմաններում «վերակառուցվեց» և սկսեց ավելի նմանվել Սվրոպայում գոյություն ունեցող ֆեոդալական կարգերին» (էջ 55): Այսպիսով, եթե Զեյթունում էլ պահպանվել էին նույն սոցիալական կարգերը, որոնք գոյություն են ունեցել Կիլիկիայի հայկական պետության ժամանակաշրջանում, ապա այդ փոքրիկ գավառակում պետք է փնտրենք ճորտեր և ճորտատերեր:

Վկայակոչելով Կարապետ Ունեցուն, հեղինակը պնդում է. «...Զեյթունի հայն ունեցել է մեծ քանակությամբ թթաստաններ: Նա զբաղվել է մետաքսագործությամբ ու միաժամանակ բամբակ է մշակել: Այդ մետաքսի ու բամբակի մի մասն անսպալման նրանք վաճառել են գա-

վառից դուրս, իսկ մնացածը մշակել Ջեյթունում» (էջ 29)։ Ուլնիցու հիշատակարանից բերված վկայության մեջ ոչ մի խոսք չկա այդ մասին։

Հեղինակը մի տեղ հիշատակում է, որ Ջեյթուն դավառակի մեջ մտնում էին 29 դուղ (էջ 37), իսկ մի քանի էջ հետո ավելացնում. «Գավառակը բաղկացած էր 32 դուղերից» (էջ 40)։

Հ. Պողոսյանը գրում է. «Այս գեպքից 42 տարի հետո (նկատի ունի Ջեյթունի իշխանների միջև ծագած խռովության տարիները՝ 1830—1832 թթ.— Վ. Մ.), երբ արդեն Կիլիկիայում հաստատվում է օսմանյան տիրապետությունը...» (էջ 61, ընդգծումը մերն է— Վ. Մ.)։ Ստացվում է, որ թուրքական տիրապետությունը Կիլիկիայում հաստատվել է անցյալ դարի 70-ական թթ., որ ակնհայտ վրիպում է։ Իսկ եթե հեղինակը այս տարեթիվը համարում է ճիշտ, ապա էլ ինչու է փորձում բանավիճել և «ապացուցել», թե XVI դարի սկզբին սուլթան Մուրադ Դ-ն իր հպատակ ղեյթունցիներին արտոնությունների հրովարտակ է տվել (էջ 110—112)։

Մի քանի խոսք այդ հրովարտակի կեղծության մասին։ Հայտնի է, որ Ջեյթունի պատմության հուշագրողներից միայն մեկը՝ Մ. Սեմերճյանն է իր «Ջեյթունի անցյալն և ներկայն» գրքում ղեկավարել սուլթան Մուրադ Դ-ի հրովարտակը (թուրքերեն և հայերեն լեզուներով)։ Ըստ այդ փաստաթղթի, ղեյթունցիները համարյա ամբողջապես ազատվել էին հարկերից ու տուրքերից, ստաշել էին ինքնավարություն և այլ արտոնություններ (էջ 109)։

Գրախոսվող աշխատության հեղինակը ուղղակի գրում է. «Որ այդ հրովարտակը գոյություն է ունեցել, այդ մի այնպիսի անառարկելի իրողություն է, որի մասին վիճելն անմիտ բան կլինի» (էջ 108, ընդգծումը մերն է— Վ. Մ.)։ Ավելի առաջ զնալով նա ավելացնում է, որ Ջեյթունի մասին գրված աշխատությունների ճշող մեծամասնության հեղինակները վկայում են, որ «անձամբ տեսել են այդ հրովարտակը։ Այն մինչև 1884 թվականը, այսինքն՝ Ջեյթունի առաջին հրդեհը, կախված է եղել Ս. Աստվածածնա եկեղեցում» (էջ 111)։

Մեր կարծիքն այն է, որ այդպիսի հրովարտակ գոյություն չի ունեցել, և որ սուլթան Մուրադը չէր կարող երբևէ Տավրոսի լեռնականներին ինքնավարություն արտոնող այդպիսի հրովարտակ տալ։ Ինչպես ասացինք, Մ. Սեմերճյանը ջանում է հավատացնել, որ սուլթանական հրովարտակը ոչնչացել է Ջեյթունի 1884 թ. հրդեհի ժամանակ։ Ընդունենք, որ այդպես է եղել։ Սակայն շուրջ երեք դար եկեղեցում փակցված հրովարտակի այրվելուց հետո մի՞թե նրա

այդ տևական գոյության փաստն էլ կմոխրանար, ծանոթ չէր լինի Սսի կաթողիկոսությանը, չէր հասնի սրա միջոցով Ալիշանին և մյուսներին։ Թեև գրախոսվող աշխատության հեղինակը կշտամբում է նրանց, ովքեր վիճարկում են հրովարտակի գոյությունը, սակայն ինքն էլ ստիպված է դրելու, որ «մատենագրական հիշատակարաններում և արխիվային վավերագրերում հրովարտակի մասին մենք մինչև այսօր ոչ մի տեղեկությունների չենք հանդիպում» (էջ 109)։

Հեղինակը պնդում է, թե XVIII դարի վերջին Թուրքիայում խարխված էր հին հողատիրությունը, գյուղում ստեղծվում էին նոր հարաբերություններ (էջ 116)։ Կամ որ XIX դարի սկզբից Ջեյթունի դավառի գյուղերում չքացել էին իշխանական տները (էջ 122)։ Սակայն այդպիսի բան կարող էր տեղի ունենալ սոցիալական արմատական վերափոխությունների շնորհիվ։ Մինչդեռ Թուրքիան շարունակում էր մնալ ռազմա-ֆեոդալական պետություն։ Իսկ Ջեյթունի համայնքի գլուխ շարունակում էին մնալ թաղերի իշխանները։

Աշխատության երրորդ գլխում քննության են առնված Ջեյթունի իշխանական տների 1830—1832 թթ. երկպառակության դրդապատճառները։ Այդ միջադեպերի ամբողջ մեղքը հեղինակը զրցում է թաղերի իշխանների վրա։ Սակայն, չժխտելով վերջիններիս հանցանքը, չի կարելի աչքաթող անել գլխավոր հանցագործներին՝ Մարաշի տեղական իշխանություններին, որոնց հաջողվեց Ջեյթունում երկպառակություն առաջ բերել, թուլացնել համայնքի զինված ուժերը, որից հետո նրանք փորձեցին վերացնել Ջեյթունի կիսանկախությունը։ Հայ լեռնականները վերջին հաշիվով կռահեցին թշնամու խարդավանքները, վերացրին ներքին անհամաձայնությունները։

Գրքում թույլ են լուսաբանված Տավրոսի հայության 1862 թ. ղինված ապստամբության հարցերը։ Այդ ներոսակա ապստամբյանը հատկացված է ընդամենը 6 էջ, իսկ այսպես կոչված «արքայազան» Լևոն Լուսինյանի «գործունեությանը», որը միայն հերավոր կասյ ունի շոշափված թեմայի հետ, նվիրված է 19 էջ (էջ 197—216)։

Հեղինակը, հենվելով Մ. Սեմերճյանի հուշագրության վրա, պնդում է, որ Ջեյթունի 1862 թ. ապստամբության ճնշմանը և հայության ոչնչացման պլանի իրագործմանը թուրքական կանոնավոր բանակը չի մասնակցել (բացի 50 հրետանավորներից)։ Միայն բաշիրոզուկների խմբեր են եղել, որոնք եկել էին ղեյթունցիների ունեցվածքը թալանելու նպատակով (էջ 170)։ Այս հարցի մասին Թուր-

Սարգսյանը գրում է. «1862 թվականի օգոստոսի 13-ին, չորեքշաբթի երեկո, արևմուտին Պալեդիտի Ա՜միտ փաշան... 3000 կանոնավոր զորքերի զուխ անցած, եկավ բնակեցավ կիրճին մեշ, Պերզնկայի ետև (ընդդժումը մերն է—Վ. Մ.)։ Անոր մտադրությունները՝ հաջորդ օրը հանկարծակի բերել զեյթունցիները» (Աղասի, Զեյթունը և իր շրջականները, էջ 94)։ Հ. Պողոսյանը սխալվում է, երբ ժխտում է թուրքական կանոնավոր զորադնդերի մասնակցությունը Զեյթունի վրա կատարված արշավանքների ժամանակ։

Հեղինակը մերժում է Մ. Նալբանդյանի և նրա կողմնակիցների կապերը Զեյթունի ապստամբների հետ։ Նա ընդդժում է, թե իր պերպրտումներից պարզվել է, որ ոչ մի փաստաթուղթ չկա որևէ զաղտնի կազմակերպության մասին։ Իսկ ինչպե՞ս կարելի է անտեսել Մ. Նալբանդյանին Ս. Բաղվորյանի գրած նամակն ու Նալբանդյանի ծածկադիրը և Կոստանդնուպոլսի բարեգործական ընկերության զործադրած ջանքերը զեյթունցիներին զենքով և դրամով օգնելու մասին։

Գրախոսվող աշխատության հեղինակի կարծիքով, կիլիկյան զահի այսպես կոչված վերջին «ժառանգորդ» և՛ ինքն իր զործնականորեն մասնակցել է Զեյթունի ապստամբությանը։ Հեղինակը ջանում է հերքել Մ. Նալբանդյանի այն վկայությունը, որով նա կտրականապես ժխտել է և՛ ինքն իր զործնականում գտնվելու իրողությունը. «Նրա ամբողջ շրջաբերականից փշում է սուտը,— գրել է Մ. Նալբանդյանը,— քանի որ նա (և՛ ինքն իր զործնականում,— Վ. Մ.) երբեք չի եղել Տավրոսի լեռներում, ոչ որի հետ չի կռվել և չի եղել բնավ Զեյթունում, ուր իբրև թե հրապարակված է եղել հիշյալ շրջաբերականը» (էջ 210)։

Որպես «հզոր կովան» Հ. Պողոսյանը, հիմք ընդունելով Մ. Սեմերճյանի հուշագրությունը, պնդում է, թե «Զեյթունցու պիքը, որտեղ նշված է այդ փաստի մասին, հրատարակվել է 1900 թ., այսինքն Զեյթունի հերոսական ապստամբություն

նից ուղիղ 38 տարի հետո... ուրեմն մասնակից-ներին շատերը կենդանի էին, որոնց թվում նաև Մնացական Սեմերճյանը։ Մի՞թե նրանք չէին հիշում այն փաստը, թե և՛ ինքն իր զործնականում եղել է Զեյթունում, թե՞ ոչ։ Անույալման եղել է» (էջ 210)։

Սակայն հարց է ծագում։ Այդ ինչպես է, որ մի անձնավորություն, որն իր հուշերը թող-թիս է հանձնել տասնյակ տարիներ հետո, չէր կարող սխալվել, իսկ ժամանակակիցներից Մ. Նալբանդյանի (որին քաջ հայտնի էին 1850—1860-ական թթ. կիլիկիայում—Տավրոսում կատարվող բուռն իրադարձությունները) վկայությունը պետք էր կասկածի տակ առնվի և մերժվի։

Չի կարելի բաժանել Հ. Պողոսյանի նաև այն կարծիքը, թե կաթոլիկների մուտքը Զեյթուն «լեռնականներին պառակտեց և տարաբաժանեց մասերի» (էջ 238)։ Ընդհանուր է, անցյալ դարի 60-ական թթ. և նրանից հետո կիլիկիահայության մեջ կաթոլիկ և բողոքական միսիոներները ունեցան որոշ հաջողություններ։ Սակայն հայ բնակչության ստվար մեծամասնությունը հավատարիմ մնաց լուսավորչական դավանանքին։ Պատահական չէր հայ կաթոլիկ կրոնապետներից մեկի հետևյալ դառն խոստովանությունը. «...Բայց երբ հուսկ ուրեմն Զեյթունի իշխանք ետ դատերինն ավարտելու, անցան առ պատրիարզն հայ-կթմածնական և թողուցին զՀասունյան արքեպիսկոպոսը, այն ատեն Հասունյանի հրաժարելովը խնդրույն մեջեն, նապուրեն Գ ևս հրաժարեցավ հայնմհետե միջամտելու» (Մինաս Կուրիխան, Պատմություն ժամանակակից, Վենետիկ, 1896, էջ 830)։

Գրախոսվող աշխատությունը շատ կողմերով կշահեր, եթե հեղինակը օգտագործեր և շրջաճանաչության մեջ զենք Մոսկվայի, Լենինգրադի և Օդեսայի կենտրոնական արխիվներում եղած նյութերը, որոնք առնչվում են հայ ազգային ազատագրական շարժման, հատկապես Կիլիկիայի—Զեյթունի պատմության հետ։

Վ. ՄԵԼԻՔԻԱՆԻՅԱՆ